

## **17 მაისს, 13 საათზე, სამების ტაძარში მორიგი საყოველთაო ჯვრისწერა გაიმართება - ჯვარს 150 წყვილი დაინერს**



17 მაისს, ოჯახის სინმინდის დღეს, 13 საათზე, ყოვლადწმინდა სამების საკათედრო ტაძარში მორიგი საყოველთაო ჯვრისწერა გაიმართება - ჯვარს 150 წყვილი დაინერს.

საყოველთაო ჯვრისწერები 2016 წლიდან უწმინდესის კურთხევით და ჩოხოსანთა საზოგადოების ორგანიზებით იმართება.

შეგახსენებთ საპატრიარქოს განცხადებას საყოველთაო ჯვრისწერებთან დაკავშირებით. ეს განცხადება 2016 წლის ნოემბერში გამოქვეყნდა:

“როგორც ცნობილია, საქართველოს საპატრიარქოსთან არსებული “ჩოხოსანთა საზოგადოების” ორგანიზებით დაიწყო საყოველთაო ჯვრისწერები, რაც სრულიად საქართველოს კათოლიკოს-პატრიარქის ლოცვა-კურთხევით ხორციელდება.

ჯვარდანერილ წყვილებს სამების საპატრიარქო ტაძარში დალოცავს მისი უწმინდესობა, მათ კი, რომელთაც თბილისში არ შეუძლიათ ჩამოსვლა, – ეპარქიის მმართველი მღვდელმთავარი.

შევნიშნავთ, რომ აღნიშნული ეხებათ მხოლოდ იმ წყვილებს, რომელთაც წლების წინ შექმნეს ოჯახი, მაგრამ სხვა და სხვა სუბიექტური თუ ობიექტური მიზეზის გამო დღემდე არ არიან ჯვარდანერილნი.

ქორწინების საიდუმლოება ძალიან ღრმაა და უმნიშვნელოვანესი ადამიანის ცხოვრებაში. ჯვრისწერით წყვილი გამოხატავს მზაობას გაერთიანდნენ ქრისტეს წმინდა ეკლესიაში და ერთობით ისწრაფვონ სასუფევლისაკენ.

ოჯახი რომ იყოს მტკიცე და სიყვარული არ განელდეს, აუცილებელია, მეუღლეები შაბათ-კვირას და დღესასწაულის დღეებში წირვა-ლოცვაზე დაესწრნენ და აღსარებისა და ზიარების საიდუმლოებებში მიიღონ მონაწილეობა, რათა მოიხვეჭონ სულიწმინდის მადლი.

ღმერთის შეწევნა არ მოაკლდეთ ჩვენს ოჯახებს და სრულიად საქართველოს,” – ნათქვამია განცხადებაში.

[karibche.ambebi.ge](http://karibche.ambebi.ge)